

臻 一抄半撮慈悲米功行非輕遠勝看經惻隱之心達玉京
注仙名

又

風刀雪箭三冬苦當恤貧兒身上無衣口裏無餐常抱饑忒孤
悽 人人正好修功德當起慈悲拯溺扶危設粥都來百日期
立仙梯

冬天設粥益利甚多煩孫公副正留心無令斷絕甚荷奉

呈小詞二闕

三冬設粥來宮觀善事光臨休起愁心悟取慈悲行最深足人
欽 休生倦怠常甯耐勝熬檀沈妙處閑尋水火相生玉裏金

道藏輯要

洞玄金玉集

三

胃集六

上瑤岑

又

孫公副正居何處紫極之宮待客謙恭高下相看動已躬似張
弓 勸賢早認真修鍊幹運靈官省可恭恭錦箭如絲射寶躬
不須弓

離苦海

本名離別難

謹繼重陽師父韻

緣遇離苦海修真寂真寥向真風裏捉真颯種琪瑤真真瑞滿
青霄引真箇玉兔真箇金雞自是能消更收聚真龍真虎繚繞
真象肯偏饒 真恍惚真彰昭見真嬰真姤相招訪真離真坎
真處要真真相濟服靈苗忽結亘古真容因真清淨功力和調